

奉天通志

二

辽海出版社

影
印
本

奉
天
通
志
(二)

辽
海
出
版
社

奉天通志卷五十一

沿革志

甄錄大事既竟次及沿革沿革蓋與疆域對舉有一縱一橫之分沿革考古屬於縱疆域紀今屬於橫二者之界限不可紊也茲述沿革依代遞敘始於虞夏與大事志之始於秦漢者異蓋一以事蹟為主無徵者宜付闕如一以封域為主有徵者不容割棄故也先之以正史地理志次之以羣籍正史所不能詳始取羣籍證之唐代以前先舉州郡次及諸縣諸蕃其他城鎮要津悉加甄錄此以詳贍為主者也自遼訖清去今未遠建置漸繁文獻足徵苦難悉數故摭其要而畧其細此以簡要為主者也然論唐代以往襄平之與遼陽營州之與柳城是否一地玄菟安東故府丸都安市奉天通志 卷五十一 沿革志

舊城所在滋疑渤海扶餘遼易黃龍遼代顯州金稱廣寧金之咸平元名開元皆非一地以及婆娑府曷蘇館之所在三萬衛建州衛之徙置若斯之類又非一事博稽明徵加以辯駁詮次之際頗費鑽研甄明沿革是所尙也統部所敘訖於清季厥後釐正制度悉名為縣民國之際或有增設是為各縣沿革以表詳之附於志後且近代考沿革者楊氏不復有表李氏兆洛楊氏守敬有圖而楊氏尤以後出而精然皆詳於腹地畧於邊疆惟楊氏同桂之盛京疆域考悉本正史地理志考辨頗詳體裁亦善本志所資實在於是間有譌誤並為刊正蓋考證地理既貴博涉復資日驗史公讀書必曰周覽亭林著述取證村氓古今一揆不可誣也述沿革志第二凡得八卷

沿革一

統部一 虞夏商周燕秦漢後漢

虞夏商俱為幽營二州地

幽州 一都省入

營州 一都省入

書舜典肇十有二州注馬融曰禹平水土置九州舜以燕齊遼遠分燕置幽州分齊為營州鄭康成曰舜以青州越海而分齊為營州冀州南北太遠分燕以北為幽州 今無星市向疏

史紀夏本紀正義舜分青州為營州遼西及遼東

通典州郡典 州青 舜分青州為營州其遼東之地安東府宜禹貢青州之域也

奉天通志 卷五十一 沿革一 統部一 虞夏商二

又州郡典 府安東 舜分青州為營州牧宜遼水之東是也

大明一統志 二十 禹貢冀青二州之域舜分冀東北為幽州即

今廣寧以西之地青東北為營州即今廣寧以東之地 遼東志

俱與紀要

盛京疆域考禹治水作貢但為九州及舜即位始分冀州東北醫巫閭之地為幽州又分青之東北遼東等為營州

按今奉天省為舜時幽營二州之地前書已有明徵而以明

一統志之解釋為最晰可以為定論矣

禹貢冀州島夷皮服夾右碣石入於河

史記夏本紀島夷皮服集解鄭玄曰島夷東北之民搏食鳥獸者

按禹貢所紀之冀州尚在舜肇十有二州之前賅舜時之幽

州所謂島民皮服既指東北之民而言自賅今奉天省在內

史記索隱碣石山在北平驪城縣西南水經碣石山在遼西

臨榆縣南水中據此則碣石應在山海關內濱海之地禹貢

統敘故併言之

又按禹受舜禪後諸州之名無考當仍舜十二州之名而無

改併今奉天省在夏代仍屬幽營二州境

爾雅釋地燕曰幽州郭注自易水至北狄

又釋地齊曰營州郭注此蓋殷制

按殷制九州與舜時異然幽營二州之名不廢今奉天省屬

之

奉天通志 卷五十一 沿革一 統部一 虞 夏 商 三

肅慎 附

北發 附

史記五帝本紀北發息慎咸戴帝之功索隱北發北方國名集

解鄭玄曰息慎或謂之肅慎東北夷

按山海經不咸山在肅慎國不咸山卽今長白山也故知肅

慎國地有一部入今奉天省何秋濤王會箋釋謂北發卽逸

周書發人亦卽今之輝發也其說無確證姑附係以備考

伊慮

符婁

逸周書王會解伊尹朝獻商書伊尹受命爲四方令曰臣請正
東符婁伊慮

按王氏補注以符婁卽夫餘伊慮卽醫閭皆在今奉天省其

說詳後

周爲幽州地

幽州 河一 北部 省入

周禮職方氏東北曰幽州其山傾曰醫巫閭

爾雅釋地東方之美者有醫無閭之珣玞琪焉郭注醫巫閭山

名今在遼東

楚辭遠游篇夕始臨乎微閭王逸注微閭東方之玉山

盛京疆域考職方氏之幽州蓋環渤海而抱其三而非盡遼東

境也而遼地亦在幽州內矣

肅慎 附

奉天通志 卷五十一 沿革一 統部一 周 四

左傳 九 肅慎燕毫吾北土杜預集解肅慎北夷在玄菟北三

千里

逸周書王會解正北方稷慎大塵孔注稷慎肅慎也貢塵似鹿

國語 魯 武王時肅慎氏貢楛矢石弩長尺有咫

史記孔子世家孔子在陳有隼集於陳廷而死楛矢貫之石弩

矢長尺有咫陳潛公使使問仲尼仲尼曰隼來遠矣此肅慎之

矢也

按肅慎國之本部在今吉林省境故杜氏謂在玄菟北三千

里然玄菟漢郡杜氏之所謂肅慎卽漢時之挹婁也當周之

世肅慎國有不咸山其一部入今奉天故附及之此後則不
復再舉

發人附

逸周書王會解發人鹿人孔注發亦東夷盧文昭云發北發也

屠何附

逸周書王會解不屠何青熊孔注不屠何亦東北夷也

管子小匡篇桓公伐山戎敗胡貉破屠河

通鑑外紀周惠王三十三年齊桓公救燕破屠河

大明一統志五十二 徒河城虞舜之時已有此城

按此所謂屠何屠河疑卽晉以後之徒河明統志謂舜時已有徒河城則更先於周代矣

東胡附

逸周書王會解東胡黃熊孔注東胡東北夷

奉天通志 卷五十一

沿革一 統部一周 燕五

按東胡說詳後

燕爲遼東遼西兩郡地

遼東郡

遼西郡入其地西北省一部

史記匈奴傳其後燕將秦開爲質於胡胡甚信之歸而襲破東胡東胡卻千餘里燕亦築長城自造陽至襄平置上谷漁陽右

北平遼西遼東郡以距胡

又蘇秦傳燕東有朝鮮遼東略餘從

又秦始皇本紀二十一年燕王東收遼東而王之

又荆軻傳燕王喜太子丹盡率其精兵東保於遼東其後李信

追丹丹匿衍水中按子衍水今

又貨殖傳燕東北邊胡上谷至遼東地踔遠人民希數被寇遺

略地理志

漢書地理志武王定殷封召公於燕其後二十六世與六國俱稱王東有遼西遼東

按合史記諸紀傳及漢書觀之遼東西之置郡實始於燕而

襄平亦燕所置縣而秦因之

東胡附

史記匈奴傳燕北有東胡山戎各分散谿谷自有君長往往而聚者百有餘戎然莫能相一

漢書地理志燕北隙隙訓烏丸夫餘按烏丸九種

眞番附

奉天通志 卷五十一

沿革一 統部一燕 秦六

史記朝鮮傳自始全燕時營略屬眞番朝鮮爲置吏築郭塞

又貨殖傳燕東綰穢貉朝鮮眞番之利

漢書地理志燕東眞番之利

按眞番國名始見於燕時爲江鴨綠江上游及佟佳江流域

之地迨漢武定朝鮮始因以置郡

秦爲遼東遼西兩郡地

遼東郡

遼西郡燕同

史記秦始皇本紀二十五年分天下爲三十六郡集解曰三十

六郡者遼西遼東略餘從

又蒙恬傳秦使蒙恬築長城因地形用制險塞起臨洮東至遼

水海上

水經注水大遼秦始皇二十二年滅燕置遼東郡按燕王喜三東十

非滅燕即始章也二十五年

東胡附同

眞番附

史記朝鮮傳秦滅燕屬遼東外徼指其

漢初之楚漢爲遼東國燕國地

遼東國

燕國

史記秦楚之際月表楚義帝元年一月分燕爲遼東二月王韓

廣始故燕王三月都無終八月臧荼擊殺廣無終滅之屬燕

奉天通志 卷五十一 沿革一 統部一 漢 七

按通鑑胡注無終屬北平郡非遼東郡考史記高祖本紀立

燕將臧荼爲燕王都薊故燕王韓廣徙王遼東廣不聽臧荼

攻殺之無終秦楚之際月表秦二世乙亥十二月分燕爲二

國索隱燕遼東也蓋羽羽項分燕爲燕遼東二國使臧荼王燕

徙故燕王韓廣王遼東廣不聽都無終不去臧荼攻滅之故

遼東復屬於燕至高帝五年而燕國除

又按漢初以遼東遼西兩郡屬遼東國燕國非廢郡而置國

也

眞番附

史記朝鮮傳漢興滿亡命東走出塞稍役屬眞番朝鮮蠻夷孝

惠高后時滿得兵威財物侵降其旁小邑眞番臨屯皆來服屬

傳子至孫右渠眞番旁衆國欲上書見天子又擁閼不通

史記太史公自序燕丹散亂遼間滿收其亡民厥聚海東以集

眞番保塞爲外臣

按說詳漢眞番郡下

漢爲遼東遼西玄菟三郡地

幽州

遼東郡治襄

漢書地理志以下諸遼東郡秦置屬幽州縣十八

襄平 新昌 無慮 望平 房 候城 遼隊 遼陽

險瀆 居就 高顯 安市 武次 平郭 西安平 文

沓氏 番汗

奉天通志 卷五十一 沿革一 統部一 漢 八

史記朝鮮傳漢興復修遼東故塞至沮水爲界

又周勃世家勃以相國代樊噲將下薊得綰遼西遼東二十九

縣

案漢代遼東西兩郡共三十二縣蓋後有增置也

襄平遼東郡

漢志襄平有牧師官莽曰昌平

水經大遼水出塞外東南入塞過遼東襄平縣西注遼水自塞

外東流屈而西南流逕襄平縣故城西王莽之昌平也

又注小遼水又西南逕襄平縣爲淡淵又逕襄平縣入大梁水

新唐書地理志安東都護府故漢襄平城也

遼東志一襄平城在遼陽城西北隅今定遼左右後三衛治

按漢遼東郡以襄平爲附郭縣而屬縣有遼陽自來論者頗多異說茲爲辨之遼東志謂襄平在今遼陽城西北隅遼東志

之從而方輿紀要則謂在遼陽北七十里清統志僅謂襄平在

遼陽北而於遼陽故城則謂在今遼陽西北界承德遼陽志

陽之間梁水渾河交會之處至今遼陽則又遼金之遼陽也

楊氏漢地理圖則以漢遼陽卽在今遼陽此皆因去古綿遠

不能確指其地乃約略言之耳夫城邑有變遷而山川無改

易其地既不能確指當以山川方位考之水經謂大遼水東

南入塞過遼東襄平縣西注亦云遼水西南流逕襄平縣故

城西又云小遼水出遼山西南流逕遼陽縣與大梁水會又

西逕襄平縣又云逕襄平縣入大梁水襄平在遼水之東故

奉天通志 卷五十一 沿革一 統部一 漢 九

經云大遼水過襄平縣西水經爲三國時人作說襄平縣

尙在故云過襄平縣西迨至後魏鄒氏作注時襄平故地已

爲高句麗所據故又云逕襄平縣故城西也襄平在南遼陽

在北故小遼水西南流先逕遼陽繼逕襄平此就山川方位

可考定者一也三國魏志後漢末公孫度自立爲遼東侯平

州牧治襄平至其孫淵魏遣司馬懿征之淵遣將軍卑衍楊

祚等步騎數萬屯遼隊圍塹二十餘里魏軍穿圍引兵東南

向而急東北卽趨襄平進至首山淵遣衍等迎戰復擊破之

遂進軍造城下爲圍塹會霖雨三十餘日遼水暴漲運船自

遼口南至城下城中糧盡人相食將軍楊祚等降八月丙寅

夜大流星長數十里從首山東北墜襄平城東南壬午淵衆

潰與其子修突圍東南走大兵急擊之當流星所墜處斬淵

父子晉書宣帝紀作斬淵父子於梁水之上近人吳承志云

遼隊爲小遼水入大遼水之處遼口謂渾河運船自此溯渾

河入太子河達城下今太子河去城十五里證據自備吳氏

以漢襄平縣治在今遼陽城故言之如此再就魏志晉書攷

之今遼陽城在首山東北十五里與流星自首山東北墜襄

平之方位正相脗合今太子河白塞外西南流經遼陽城東

南轉而西北流距城垣東北隅僅十數丈再折而西流入渾

河故運船自遼口入太子河可徑造城下流星墜於城東南

正當梁水所經而淵父子亦適被斬於是處也此就山川方

位可攷定者又一也通典唐高宗上元二年徙安東都護府

奉天通志 卷五十一 沿革一 統部一 漢 十

於遼東故城儀鳳二年徙新城玄宗天寶二年又徙遼東故

郡城吉林通志謂故城卽襄平新城卽遼陽遼陽卽今遼陽此蓋爲

方輿紀要諸書所誤不知通典所謂故城故郡城實爲一地

卽漢遼東郡治之襄平新唐書地理志謂安東都護府故漢

襄平城是也遼陽縣置於漢至後燕時爲高句麗侵據徙置

於遼西其後遂廢至遼初遼陽之名始復見於史冊其故城

何在已難確指尋以命名之義水北曰陽故城當在小遼水

之北清統志謂在今瀋陽遼陽之間梁水渾河交會之處尙

得其似此又可考而知也遼史地理志太祖神冊四年葺遼

陽故城天顯十三年改爲東京府曰遼陽吳承志謂唐以高

藏爲遼東都督藏謀反後建府易遼東郡故城爲遼陽其說

雖無確證然謂都護府所徙之遼東郡故城卽遼志之遼陽

故城說則甚諦不可易也吳氏又云方輿紀要以唐遼陽爲

漢遼陽移襄平於司遼東郡北七十里與班志所云界迹相反

今州北別無城迹不知所據爲何地遺址盛京通志謂在今

遼陽城西北隅襄平所在可無迷惑竊謂襄平城爲遼東郡

治唐代猶以其地爲安東都護府則其城址必甚廣闊至今

時僅千餘年若在其城北其故址非不易尋乃竟無可指者且

按之故記漢襄平城確爲今遼陽城具如上述無可疑者至

遼陽者在漢代爲遼東郡之一屬縣儕諸新昌居就平郭之

列難與襄平比數故城毀廢已久宜乎其渺不可尋也

今遼東縣地守敬氏之說以漢襄平也

奉天通志 卷五十一 沿革一 統部一 漢 十一

新昌遼東郡

金史地理志澄州臨溟縣鎮一新昌

讀史方輿紀要海州新昌城在衛東漢縣屬遼東郡

按清統志以新昌故城在海城縣東蓋采方輿紀要滿洲歷

史地理則謂在今遼陽縣西北

無慮上同

漢志無慮西部都尉治師古曰卽所謂醫巫閭

方輿紀要衛寧無慮城今衛治本漢之無慮縣屬遼東郡

按清統志以無慮故城爲廣寧縣治卽今北鎮縣也

望平上同

漢志望平大遼水出塞外南至安市入海行千二百五十里莽

曰長說

水經注遼水自塞外東流直遼東之望平縣西王莽之長說也

大明一統志五十二望平廢縣在廣寧城東北一百五十里漢置

遼東郡

方輿紀要衛寧望平城衛東北九十里漢置縣屬遼東郡

按楊氏漢地理圖置望平於鐵嶺西遼河東岸與水經注合

至明統志方輿紀要所謂在遼水西岸之望平縣乃金代以

廣寧府山東縣改置非漢望平縣也說詳金代

房上同

水經大遼水又東南過房縣西注房故遼東之屬縣白狼水又

東南流至房縣注於遼

奉天通志 卷五十一 沿革一 統部一 漢 十二

按盛京疆域考謂房縣在海城似爲今營口縣境東漢地理

圖則置於海城之西遼河東岸餘說詳後房縣下

候城上同

漢志候城中都尉治

遼史地理志咸州在漢候城縣北

按遼咸州今之開原也盛京疆域考謂候城在今開原東南

滿洲歷史地理謂在今之瀋陽皆爲近似惟前漢地理圖置

於海城之南殆不可從

遼隊一作上

漢志遼隊莽曰順陸

水經注小遼水西南至遼隧縣入於大遼水遼水遼即水大東經遼

遼縣故城西王莽更名之曰順睦也

遼史地理志遼陽府仙鄉縣本漢遼隊縣地

大明一統志五十二遼隊廢縣在海州衛今縣海城西六十里漢置遼東

志方輿記

按楊守敬水經注置遼隊於海城西北遼河之東滿洲歷史

地理謂約在牛莊之西北今牛莊城在海城西四十里豈即

遼隊縣之遺址歟

遼陽上同

漢志大梁水西南至遼陽入遼莽曰遼陰

水經注水小遼水出遼山西南流逕遼陽縣與大梁水會水出北

塞外西南流注遼水故地理志曰大梁水西南至遼陽入遼郡

奉天通志 卷五十一 沿革一 統部一 漢

十三

國志曰縣故屬遼東後入玄菟

大清一統志八十三遼陽本漢縣名屬遼東郡後漢安帝初改屬

玄菟郡晉廢其舊址久湮以漢志及水經注考之其地當在今

州遼陽承德遼陽之間梁水渾河交會之處今州乃遼金之遼

陽也

按方輿紀要謂遼陽廢縣在遼東都司城內漢縣屬遼東郡

盛京疆域考漢地理志圖東三省沿革表皆因之此實誤也

惟滿洲歷史地理謂應今瀋陽城東南渾河北岸渾河太子

河會流之處說與清統志合其詳已見襄平縣下

又按後漢以遼陽與高顯候城改隸玄菟郡即以此三縣同

在渾河以北也若以漢遼陽在今遼陽而襄平反在其北則

遼陽隸玄菟時尚有襄平之地爲之間隔恐無是理自以襄平在南遼陽在北之說爲是

險瀆上同

漢志注應劭曰朝鮮王滿都也依水險故曰險瀆臣瓚曰王險

城在樂浪郡浪水之東此自是險瀆也

方輿紀要廣寧險瀆城在衛東南漢縣屬遼東郡

按盛京疆域考謂險瀆在新民廳今縣新南境廣寧縣東南與

方輿紀要說合清統志謂爲廣寧東南濱海之地今盤山是也

晉書載記尙有險瀆之名在遼東而應劭謂卽樂浪郡之王

險城在浪水之東是以一字之同強爲比附臣瓚辨之允矣

居就上同

奉天通志 卷五十一 沿革一 統部一 漢

十四

漢志居就室僞山室僞水所出北至襄平入梁也

陸璣爾雅草木蟲魚疏語曰居就糧梁水魴

遼史地理志遼陽府鶴野縣漢居就縣也

方輿紀要海州居就城在衛東北漢縣屬遼東郡

按清統志謂室僞水卽遼陽東南五十二里之湯河河源出

分水嶺北流入太子河分水嶺卽室僞山陳澧漢志水道圖

說謂室僞水爲今遼陽之沙河出千山北流至遼陽西北入

太子河依遼志方輿紀要所紀應從陳氏之說盛京疆域考

謂居就在遼陽西南是也

高顯上同

按漢志釋地畧謂高顯爲今承德即縣說詳後漢

安市上同

水經大遼水又東過安市縣西南入於海注十三州志曰大遼

水自塞外西南至安市入於海

遼史地理志鐵州本漢安市縣

大明一統志五十二 安市廢縣在蓋州衛東北七十里漢置

方輿紀要蓋州 安市城衛東北七十里漢安市縣屬遼東郡

按安市城爲今海城縣南十五里之營城子說詳唐代

武次上同

漢志武次東部都尉治莽曰桓次

方輿紀要遼東郡 司東北有武次縣漢縣屬遼東郡

按歷代地理韻編謂武次在承德縣東漢地理圖從之尙與

奉天通志 卷五十一 沿革一 統部一 漢

十五

紀要說合惟讀史兵略注及漢志釋地略謂爲今岫巖滿洲

歷史地理謂爲今之鳳凰城蓋皆約略言之

平郭上同

漢志平郭有鐵官鹽官

新唐書地理志安東都護府西南至建安城三百里故平郭縣

也

方輿紀要蓋州 平郭城在衛南漢縣屬遼東郡

按漢地理圖置平郭於蓋平河南熊岳河北與方輿紀要之

說合今蓋平東北九十里鐵場堡是地舊出鐵豈鐵官爲

是而置歟又平郭之地近海出鹽故置鹽官

西安平上同

漢志西安平莽曰北安平

又郡安 馬營水西北入鹽難水西南至西安平入海

新唐書地理志安東都護府南至鴨綠江北泊灼城七百里故

安平縣也

三國魏志東夷傳西安平縣北有小水南流入海句麗別種依

小水作國因名之爲小水貊

按三國志外國傳考證以西安平爲今安東東北地盛京疆

域考似爲今安東寬甸兩縣地漢地理圖則置於鳳凰城南

滿洲歷史地理則以爲今安東之九連城然泊灼城近在鴨

綠江西岸已有明徵說詳 則諸家之說尙爲近之

文上同

奉天通志 卷五十一 沿革一 統部一 漢

十六

漢志文莽曰受亭

方輿紀要蓋州 文城在衛西漢置文縣屬遼東郡通鑑 郭胡之注

按漢志釋地略謂文縣在熊岳城盛京疆域考謂在復州境

番汗上同

漢志番汗沛水出塞外西南入海按咸謂沛水即今鴨綠江

說文沛字 沛水出遼東番汗塞外西南入海

按番汗之所在前人殊無定說徐廣云疑卽眞番盛京疆域

考謂在朝鮮境楊氏漢地理圖置於今昌圖以爲遼東郡屬

縣故併舉之

沓氏上同

漢志注應劭曰沓水也

說文 下 齊 字 遼東有沓縣

方輿紀要 金 州 沓氏城在衛東南漢縣屬遼東郡晉廢志云河

旁有沓渚漢沓氏縣因為名非也縣西南臨海渚謂之沓渚

按漢志釋地略謂沓氏為寧海 今 金 州 京盛疆域考謂在金州

之東皆與方輿紀要說合惟清統志以沓氏在遼陽界殊不

合三國之世累見沓津沓渚之名為吳軍航海至遼登岸之

地自在金州無疑

玄菟郡 句 遼 高 驪

漢志玄菟郡武帝元封四年開高句驪屬幽州縣三 高句驪

上殷台 西蓋馬

漢書武帝紀元封三年夏朝鮮軒其王右渠降以其地為樂浪

奉天通志 卷五十一 沿革一 統部一 漢

臨屯玄菟真番四郡

三國魏志東夷傳以沃沮城為玄菟郡

後漢書東夷傳始元五年 帝 昭 罷臨屯真番以併樂浪玄菟玄菟

復徙居句驪自單大領已東沃沮濊貊悉屬樂浪

漢書昭帝紀元鳳六年春正月募郡國徒築遼東玄菟城

三國魏志東夷傳後為夷貊所侵徙郡句驪西北今所謂玄菟

故府是也

按史記朝鮮傳自全燕時管略屬真番朝鮮為置吏築障塞

秦滅燕屬遼東外徼是真番朝鮮之地不屬於燕秦之遼東

郡明矣漢武帝定朝鮮始置四郡樂浪郡以朝鮮為附郭縣

樂浪郡治在今平壤即朝鮮縣之所在據此則燕時所略之

朝鮮乃在鴨綠江之東故曰屬遼東外徼也四郡之中有真

番應劭漢書注曰玄菟本真番國蓋漢因古真番國之地而

置郡然於真番之外別置玄菟則真番之不括於玄菟又明

矣玄菟初置於沃沮即單大嶺以東其後屢有遷徙故三國

魏志謂漢武行朝鮮地以沃沮城為玄菟郡後為夷貊所侵

徙郡句驪西北沃沮還屬樂浪此即第一次之遷徙也三國

吳志注謂是時之玄菟郡在遼東北相去二百里又非始元

移置之郡是又為第三次之遷徙矣考始元所徙之郡已至

今朝鮮咸興道西徙入今奉天東境後再徙於遼東郡治北

二百里近人丁鏞考此最晰別舉於後

又按元鳳六年後於始元五年七年蓋因徙郡之後而城不

奉天通志 卷五十一 沿革一 統部一 漢

堅故募徒築之

高句驪 附 玄 菟 郡 驪 縣

漢志高句驪遼山遼水所出西南至遼隊入遼水又有南蘇水

西北經塞外

後漢書東夷傳武帝滅朝鮮以高句驪為縣使屬玄菟

水經玄菟高句驪縣有遼山小遼水所出注縣故高句驪胡之

國也漢武帝元封三年平右渠置玄菟郡於此王莽之下句驪

三國史記 魏 紀 琉璃王二十三年 漢 平 帝 元 始 四 年 秋八月進兵襲取

漢高句驪縣

按逸周書王會解北方臺正東高夷孔注東北夷高句驪是

周初已有高句驪之名矣丁鏞謂玄菟郡初置沃沮時本無

高句驪等三縣之名追始元移郡之後始取高句驪爲玄菟屬縣遂以爲郡治此論與後漢書東夷傳玄菟徙居句驪之語相合然亦未得其審也三國魏志東夷傳謂徙郡句驪西北言西北則非句驪故地而其故地必在新徙郡之東南據此則又以在沃沮者爲句驪之故地亦卽周書之所謂高夷矣然丁鏞又謂玄菟既徙其所謂高句驪者當於興京西北百里之地求之此蓋因漢志水經高句驪有遼山遼水一語而定滿洲歷史地理則謂應在興京之老城蓋小遼水卽今渾河其上之一源名蘇子河出於老城附近因此比附而定高句驪之所在當相去不遠也

又按清統志謂縣爲小遼水所發源今興京北近渾河之源奉天通志 卷五十一 沿革一 統部一 漢 十九

蓋卽漢高句驪縣地此卽丁鏞之說所由出也又按高句驪東明王建國於漢元帝建昭二年蓋卽據玄菟郡之故地其後又襲取西徙之高句驪縣而有之則玄菟郡又必西徙矣

西蓋馬 屬玄菟郡

漢志西蓋馬馬訾水西北入鹽難水西南至西安平入海過郡

二 按遼東行二千一百里莽曰玄菟亭

三 國魏志東夷傳東沃沮在高句麗蓋馬大山之東濱大海而居

按陳澧東塾集謂蓋馬大山爲西蓋馬縣境之山吉林通志則逕謂蓋馬大山爲長白山而山之西則爲西蓋馬縣以爲

滅貊所侵曾有數次之移置而不能確指其地惟吉林通志以玄菟郡三縣皆在今吉林省境則似失於偏北而未可冒昧從之矣

又按玄菟郡所領上殷台縣應在吉林省境故略而不舉遼西郡 治陽天樂不

漢志遼西郡秦置有小水四十八並行三千四十六里州幽縣十四

交黎 狐蘇 徒河 臨渝 尙在十縣以略

漢志交黎渝水首受塞外南入海東部都尉治莽曰禽虜水經注白狼水又東北逕昌黎縣故城西地理志曰交黎也東

奉天通志 卷五十一 沿革一 統部一 漢 二十

部都尉治王莽之禽虜也應劭曰今昌黎也方與紀要 棘城在營州 故城東南百七十里漢交黎縣也屬遼西郡

按盛京疆域考以交黎在義州境滿洲歷史地理謂卽今大凌河城蓋漢志之渝水水經之白狼水皆指大凌河言也說詳後漢昌遼縣下

狐蘇 上同

漢志狐蘇唐就水至徒河入海

按陳澧謂唐就水卽今小凌河盛京疆域滿洲歷史地理皆謂狐蘇在今錦縣當相去不遠也

徒河 上同

漢志徒河莽曰河福

太平寰宇記一七營州柳城縣徒河城漢縣有廢城在今郡東北

方輿紀要八徒河城在營州東百九十里漢縣屬遼西郡

按清統志謂徒河故城在今錦州西北滿洲歷史地理謂卽在錦州府其大略可考矣說詳晉徒河下

臨渝上同

漢志臨渝渝水首受白狼東入塞外又有候水北入渝莽曰馮德

說文下渝字渝水在遼西臨渝東出塞

水經注水大遼白狼水又東北出東流分爲二水右水疑卽渝水

奉天通志 卷五十一 沿革一 統部一 漢 二十一

也地理志曰渝水首受白狼水西南循山逕一故城西以爲河連城疑是臨渝縣之故城王莽所謂馮德者矣

按陳澧漢地理志水道圖說謂渝水卽今大凌河故漢地理圖置臨渝於義州東大凌河東岸

又按遼西郡所屬十四縣如且慮或謂音同無慮在今義縣如海陽或以爲在今綏中縣如柳城或以爲在今錦西賓從

徒卽賓或以爲在今錦縣如湯樂或以爲在今錦西興城之間

如案或以爲在今義縣茲經詳考皆在今熱河河北兩省境內前人引而置於偏東之地故不免於疑誤故皆略而不取

然此三省壤地交錯之處殊不易別其斷限姑就可知者約略言之耳

眞番附

漢書武帝紀元封三年夏朝鮮斬其王右渠降以其地爲樂浪臨屯玄菟眞番郡注臣瓚曰茂陵書臨屯郡治東甌縣去長安六千一百三十八里十五縣眞番郡治雲縣去長安七千六百四十里十五縣

按丁鏞大韓疆域考云眞番之地雖不可詳要在今興京之南佟家江之左右又云興京之南鴨水以北今鑾河以東婆豬江家江修之左右沿江千里之地既非遼東又非朝鮮必古之眞番也東儒謂在咸鏡以北恐不然也又云平壤以南雖南至東萊無可以當七千六百里者惟鴨水北烏喇之界東極滄海地勢荒遠奚止七千里而已但所謂雲縣必在興京

奉天通志 卷五十一 沿革一 統部一 漢 二十一

之南白山之西苟在遼東三千里之地十里則長安七千六百四十里則燕人無以通貫於眞番而玄菟無以合郡於眞番

矣眞番既合玄菟則眞番之跡宜於玄菟求之據此則眞番郡之所在已入奉天省境日本那珂通世謂雲縣在鴨綠江之上游七千爲五千之誤寫然擅改古書強人就我爲通人所不許故存其說附於漢郡之後以備考焉

烏桓附

後漢書烏桓傳元狩四年霍去病擊破匈奴左地因徙烏桓於上谷漁陽右北平遼東西五郡塞外爲漢偵察匈奴動靜昭帝時匈奴東擊破烏桓大將軍霍光聞之因遣度遼將軍范明友將二萬騎出遼東邀匈奴而虜亦引去明友乘烏桓新敗遂進

擊之

按漢遼東西南兩郡塞外之地卽在今奉天熱河兩省接壤之地彰武通遼等縣皆括於內亦卽匈奴左地之一部也後漢爲遼東玄菟遼西三郡及遼東屬國地

幽州按前漢志以幽州一屬遼東

晉書地理志遼東漢光武以遼東等屬青州後還幽州

遼東郡治襄平

續漢書郡國志以下簡稱遼東郡十一城注秦置維陽東北三

千六百里案本紀和帝永元十六年郡復置西部都尉官

襄平 新昌 無慮東別屬遼東望平 候城別屬遼東安市

平郭 西安平 汶 番汗 杏氏

奉天通志 卷五十一 沿革一 統部一 後漢 二十三

襄平附遼東郡

三國魏志公孫度傳本遼東襄平人同郡徐榮薦度爲遼東太

守先時屬國公孫昭守襄平令召度子康爲伍長度到官收昭

宮殺於襄平市按度於靈帝中

又公孫度傳建安十二年袁尙等奔遼東康子公孫康斬送尙首

封康襄平侯

按後漢襄平之所在同前漢以下諸縣同者從略

新昌遼東郡

後漢書句麗傳建光元年夏與遼東鮮卑八千餘人攻遼隊殺

略吏人蔡諷遼東太守等追擊於新昌戰歿

無慮前同

後漢書安帝紀元初二年秋八月遼東鮮卑圍無慮縣注屬遼東郡有醫巫閭山因以爲名焉

又鮮卑傳鮮卑復寇遼東屬國於是耿曄乃移屯遼東無慮城以拒之

按遼東屬國所屬亦有無慮然鮮卑傳既曰寇遼東屬國又曰屯遼東無慮城則下文之遼東必指遼東郡而言以別於屬國以是知注云遼東郡一語爲有據也

望平前同

安市前同

平郭前同

續漢志平郭有鐵

奉天通志 卷五十一 沿革一 統部一 後漢 二十四

按有鐵一語與前書地理志有鐵官之語相應

西安平前同

續漢志西安平注魏氏春秋曰縣北有小水南流入海句驪別

種因名之小水貂

後漢書句驪傳質桓之間復犯遼西西安平

三國魏志東夷傳高句麗順桓之間復犯遼東又攻西安平

汶前同

方輿紀要漢置文縣後漢改曰汶

番汗前同

杏氏前同

遼隊補

後漢書句驪傳建光元年夏復與遼東鮮卑八千餘人攻遼隊殺略吏人

三國魏志高句麗傳宮王高句麗密遣軍入遼隊殺吏民

按續志遼東郡屬縣遼隊蓋縣廢而其城猶存故高句麗得攻入之茲補列於遼東縣屬縣之後以俟博考

又按方輿紀要謂遼隊後漢初廢公孫度復置帝當漢獻世蓋因公孫淵屯軍於此以拒魏兵而為想像之辭恐別無實據

玄菟郡治高句麗

續漢志玄菟郡六城注武帝置雒陽東北四千里

高句驪 西蓋鳥 上殷台省不境在 高顯 候城 遼陽

後漢書句驪傳元初五年復與濊貊寇玄菟

奉天通志 卷五十一 沿革一 統部一 後漢 二十五

又安帝紀建光元年冬十一月鮮卑寇玄菟十二月高句驪馬

韓濊額園玄菟

又順帝紀永建二年春二月鮮卑寇遼東玄菟又陽嘉元年冬

十二月復置玄菟郡屯田六部

又桓帝紀永康元年春正月夫餘王寇玄菟

又句驪傳乞屬玄菟

按後漢之世玄菟郡東與高句驪西與鮮卑北與夫餘接壤

故屬受其寇害

高句驪附玄菟郡縣

西蓋鳥屬玄菟郡縣

按清殿本後漢書考證齊召南案本書東沃沮在高句驪蓋

馬大山之東知此作鳥誤

又王氏十七史商榷鳥應作馬

高顯前同

續漢志高顯故屬遼東

候城前同

續漢志候城故屬遼東

後漢陳禪傳禪為玄菟候城障尉

三國魏志高句麗傳宮王高句麗密遣軍攻玄菟焚燒候城

按陳禪傳玄菟候城之說則候城應屬玄菟遼東郡下之候

城宜刪不待言也

遼陽前同

奉天通志 卷五十一 沿革一 統部一 後漢 二十六

續漢志遼陽故屬遼東注東觀書安帝即位之年分三縣來屬

水經注水遼水出遼山西南流逕遼陽縣郡國志曰縣故屬遼

東後入玄菟

按據前所考高顯在今瀋陽或偏東候城在今瀋陽東北遼

陽在今瀋陽南或西南皆在渾河以北遼河以東之地後漢

安帝以後玄菟郡屢受高句驪夫餘鮮卑之寇害其屬地有

日蹙百里之勢故割遼東郡之三縣以隸之非得已也

又按後漢書句驪傳元初五年復與濊貊寇玄菟攻華麗城

此城前漢即樂浪郡屬縣舊城後漢廢縣而地隸玄菟故曰

玄菟華麗地不在今省境清統志謂即開原縣南四十里之

花露臺丁氏大韓疆域考謂始元徙郡之初不立華麗新縣

故班志只於樂浪郡載華麗舊縣至東漢之時新開一縣冒以華麗舊名皆為意度比附之辭不足信也

遼東屬國 遼治昌

續漢志遼東屬國注故邯鄲西部都尉安帝時以為屬國都尉別領六城雒陽東北三千二百六十里

昌遼 遼即昌 賓徒 從前漢志在賓境 徒河 無慮 險瀆 房

魏書建武二十五年烏丸大人郝且等九千餘人率眾詣闕使居塞內布列遼東屬國遼西諸郡界置校尉以領護之 三國志烏丸九魏

引傳注

盛京通志 舊志邯鄲西部都尉故城在今奉天府西南四百六十里

奉天通志 卷五十一 沿革一 統部一 後漢 二十七

按遼東屬國置於建武二十五年而安帝時始立郡縣之制或曰西部都尉乃東部之譌觀前漢志交黎縣下注文自知

昌遼 遼東屬國附郭

續漢志昌遼故天遼屬遼西

後漢書和帝紀永元十六年復置遼東西部都尉官注西部都尉安帝時以為屬國都尉在遼東郡昌黎城

水經注 水大遼十三州志曰遼東屬國都尉治昌遼道有黃龍亭

者也 按漢道縣有遼亭曰道

又 水大遼白狼水又東北逕昌黎縣故城西地理志曰交黎也東

部都尉治應劭曰今昌黎也

太平寰宇記 一七十營州柳城縣交黎城漢縣也屬遼西郡後漢

改為昌黎縣

方輿紀要 前大後漢曰昌黎縣安帝置遼東屬國都尉治此

按齊召南曰 前志遼西無天遼縣顧炎武京東考

古錄疑此志昌遼故天遼五字當作昌黎故交黎是也趙一清謂以應劭之言考之則東京已有是縣以劭於後漢初平

中官太守也然考水經注昌遼道不作昌黎則昌遼二字為誤文錢大昕云黎遼聲相近故昌黎亦作昌遼據此則昌遼

即昌黎亦即前漢之交黎遼東屬國都尉之治所也

又按水經注之昌黎縣及前燕時移置之縣非漢之交黎後漢之昌遼晉初之昌黎也說詳晉昌黎郡下

徒河 遼東屬國

奉天通志 卷五十一 沿革一 統部一 後漢 二十八

續漢志徒河故屬遼西

無慮 前同

續漢志無慮有醫無慮山 按此應移遼

顧炎武救文格論候城改屬玄菟而遼東復出一候城無慮改屬遼東屬國而遼東復出一無慮必有一焉宜刪者然則天下

郡國少二城矣

按遼東郡諸城皆在大遼水之東遼東屬國諸城皆在大遼水之西此二者之辨也無慮在遼水西舊屬遼東或如候城

高顯遼陽三縣故屬遼東後乃改屬歟然惠棟謂此為扶黎

非無慮也說詳下文

險瀆 前同

房
前同

大清一統志四十房縣舊城在廣寧縣東南

大明一統志五十二梁房口關在蓋州西北九十里海運舟由此

入遼河明史地理志力

按清統志又謂水經大遼水自襄平縣又東南過房縣今

考後漢分置遼東屬國別領六城其昌黎寶從徒河三縣皆

舊屬遼西無慮雖屬遼東亦在遼水之西不應房縣獨在遼

水之東蓋房與險瀆皆遼水西濱河海之地水經西字乃東

字之譌此說是也梁房口關爲海運舟入遼河處疑爲漢房

縣之所在亦卽今營口縣治也

扶黎營附遼東屬國

奉天通志 卷五十一 沿革一 統部一 後漢 二十九

後漢書安帝紀元初二年秋九月遼東鮮卑又攻夫犁營殺縣

令注夫犁縣名屬遼東屬國

又鮮卑傳復攻扶黎營殺長吏注扶黎縣屬遼東屬國故城在

今營州東南

太平寰宇記七十營州柳城縣扶黎故城在縣東南

按惠棟後漢書補注顧炎武云案遼東有無慮縣此不應重

出案此扶黎也後人傳寫誤耳鮮卑傳注扶黎縣屬遼東屬

國今兩漢志無扶黎縣而遼東不應有兩無慮必扶黎之誤

又錢大昕續漢書辨疑安帝紀注無慮屬遼東郡夫犁縣名

屬遼東屬國鮮卑傳注亦同然則章懷所見本遼東屬國有

扶黎無無慮也無慮既屬遼東不應重出竊意此無慮當是

奉天通志 卷五十一 沿革一 統部一 后漢

扶黎之譌因聲相近而誤耳以上兩氏之說皆以後漢書注

爲據考辨甚晰且本書高顯侯城遼陽三城入玄菟郡而各

有原注故屬遼東賓徒徒河二縣入遼東屬國而各有原注

曰故屬遼西而無慮下無原注亦無章懷之注於以知惠錢

二氏之說不爲無因然既爲屬國之一縣何以不曰扶黎城

而曰扶黎營此殊可疑茲不敢據此擅改原書蓋以此耳

又按王先謙後漢書集解謂扶黎故城在今錦州西北

遼西郡在治陽縣不

續漢志遼西郡秦置雒陽東北三千三百里五城 臨渝四城有

境不在略省

臨渝遼西郡

奉天通志 卷五十一 沿革一 統部一 後漢 三十

夫餘附

後漢書光武紀建武二十五年冬十月夫餘王遣使奉獻

又安帝紀元興五年春三月夫餘夷犯塞

又安帝紀建光元年十二月高句驪馬韓滅貊國玄菟夫餘王

遣子與州郡併力討破之

又桓帝紀永康元年春正月夫餘王寇玄菟

三國魏志東夷傳夫餘在長城之北去玄菟千里南與高句麗

東與挹婁西與鮮卑接後漢書而後漢書採三國志之

按近人考扶餘國都在今農安長春一帶而今昌圖以北懷

德黎樹等縣皆在夫餘國境故附載之

烏桓附